

嘉慶戊寅重修

九江府志

府學藏版

學印
互登

重修九江府志序

九江之名昉自禹貢然今之九江非昔之九江也山海經洞庭之山在九江之中則九江卽洞庭也秦以潯陽爲九江郡潯陽今黃梅於是說者以鄂陵之九

水爲九江鄂陵今武昌縣新莽
時以潯陽分屬廬江而以豫章
爲九江郡豫章無九江也於是
說者又以入彭蠡之九水爲九
江此今之九江所以異於禹貢
而並不同於秦漢也嘉慶乙亥

余奉

簡命分巡是邦覽其山川北則
長江環抱南則廬阜旁礴綿亘
南迤西則合饒撫吉南贛建昌
臨江袁筠南康數州之水而潴
爲彭蠡卽傳會者所指之九水

九江府志
以爲九江者也因求郡志讀之
不可得詢之守土者則以前志
修於康熙癸丑迄今百餘年板
燬而書亦盡矣夫濶於歷朝爲
重鎮古今險易所改移民情風
土所變遷以及名臣循吏之所

以表著而維持者百餘年紀載
缺如其何以徵文獻而揚郵治
哉明年朱君勲楯來守郡言之
與余見同而德化令鄒君藜齋
亦以所得舊志來呈於是捐金
設局俾五邑之士採訪披羅各

輪助以成其事增刪去取編纂
體例則延耆宿以專其任閱十
餘月志成太守及諸令尹請序
於余余於是揖而進之言曰郡
邑之志卽周官之五物所以周
知天下之故凡欲致之於民非

第資考據矜博洽已也士君子
學古入官皆期有用於世然不
知天地寒煖燥濕廣谷大川之
異制民生其間者之異俗則圜
枘方鑿有遷地而弗能爲良者
矣是志旣賴諸君共成之吾願

今之與吾守此土者按圖考籍
修其教不易其俗齊其政不易
其宜凡所措置廢興因革一以
有裨於斯地斯民爲意則是書
爲有用之書至於某山某水名
字之得其審爲古爲今沿革之

知所自又其末焉者矣是爲序
時

嘉慶二十三年歲次戊寅四月
欽命分巡廣饒南九道督理九
江關務兼管審廠任蘭祐謹撰

重修九江府志序

漢志廬江郡下載尋陽南有九江東合爲大江章懷太子引釋慧遠廬山記證之而九江郡則別行今九江治廬山峙其南江水橫其北則是潯陽治而非昔

之九江郡矣宋均傳均爲九江太守郡多虎豹均去檻穽虎相與東游渡江舊志引爲此郡事實不知此九江乃壽春逸邇之郡非尋陽之九江也事不核實因襲多訛非有地志曷克稽歟

郡縣志惟李吉甫元和志最爲近古若王存之元豐九域志樂史之太平寰宇記歐陽忞之輿地廣記雖加詳而體駁矣近代康海修武功縣志削地志繁濫之例以山川城郭古蹟宅墓併

入地理以官署學校津梁市集
併入建置以祠廟寺觀併入祠
祀藝文用吳郡志例散附各條
之下書只七篇較之袁桷延祐
四明志于欽齊乘之嚴整有過
之無不及也蓋修志之法考輿

圖也必悉而核叙沿革也必盡
而詳善善從其長惡惡誅其隱
體務大思務精毋徇私毋偏執
信者傳信疑者傳疑後之讀其
書者可以爲據若顧亭林號稱
博雅其修濟南志猶以李姓一

人兩載爲譏甚矣其難也予於
嘉慶丙子秋自瓊州守量移是
邦下車詢賢士大夫郡縣之本
末山川奇異風俗所由多未能
悉舉舊志又漫漶磨滅不可讀
於是慨然爲士大夫倡設局重

修勒爲新志自慚學殖荒落加
以案牘之冗不得肆力於此聘
是邦之通古今者采獲舊聞考
迹詩書推表山川以綴禹貢周
官春秋下及歷代輿圖地志之
書於丁丑三月開局閱明年書

成凡三十卷自康熙癸丑至今
一百四十餘年中軼事悉續載
之其有年遠不可考者仍從闕
疑之例而舊志體例間有未協
復叅酌更正折衷一是昔顏師
古云中古以來說地理者或解

釋經典或撰述方志競出新異
穿鑿附會頗失其真是書之成
有如師古所言耶抑不如師古
所言耶善善惡惡之得其允傳
信傳疑之存其真耶然後之人
畢然見廬山之高悠然觀江水

之深其間名臣循吏逸士高人
何可勝道而仰遺徽於曩哲溯
往事於傳聞取是書而徵之則
亦未嘗無補也是爲序
嘉慶二十三年歲次戊寅七月
賜進士出身

誥授朝議大夫九江府知府前
翰林院編修本衙門撰文 武
英殿提調 國史館文穎館纂
修官桂林朱榮撰



重修九江府志序
昔江文通有言曰作史莫難於志志
蓋史體也范書十志劉昭病其疎畧
補之陳承祚以志名書而卒無志歐
陽五代史志易為考自是史家不言
志而郡邑諸乘遂皆據其名然周禮
誦訓掌道方志外史掌四方之志郡

重修九江府志序

昔江文通有言曰作史莫難於志志
蓋史體也范書十志劉昭病其疎畧
補之陳承祚以志名書而卒無志歐
陽五代史志易為考自是史家不言
志而郡邑諸乘遂皆據其名然周禮
誦訓掌道方志外史掌四方之志郡

邑有志殊古焉雖其體與史異而首
布以圖次編以類自方輿建置諸大
端以迄藝文紀事之屬靡不臚列而
析載之蓋非史而實史也且足備國
史所採錄事固非眇眇者矣吾潯郡
爲東南一大都會山則盤鬱而峩峩
水則滌洄而渟澈育靈孕秀人之彬

蔚能文者出焉貞固有守者出焉倣
儻具大幹濟者出焉是烏可以不憲
郡舊有志歷百四十餘年幾刻敝不
復識其中有所宜補者宜續者宜博
辨而訂正者丁丑春觀察任公醴
渠太守朱公勲楣耦意紬輯聚鄉
先生而謀之稽星野昷地輿攬撫子

史逸說網羅金石古文葩叟流傳老
儒宿記耳剗心識以欣旁叅偈偈然
更再寒暑不少怠厥功偉哉予於上
秋服闋赴都莫獲襄事今年夏膺
簡命巡撫東粵道經本郡適功甫歲
讀其書圖則瞭然而眉列也類則秩
然而派分也沿革疆域諸端風俗物

產之屬釐然而銖兩平煥然而日星
炳也其所補若吳傑之補兩漢陶岳
之補五代也其所續若蕭常之續范
書郝經之續陳志也其所博辨而訂
正若蘇子由古史之辨馬遷劉知成
史通之正班氏也蓋一志也天地之
大古今之異無不明風土之別人物

之宜無不著禮樂制度之精日用見聞之細無不晰且詳辨而不華直而有體不溢美不詭詞不阿好休哉大乎洵非史而實史也方今

聖天子統楫羣元括囊四海窮陬絕壤俗盡成書他日採風至郡掇其芳行懿蹟貢入史箴是大有光於溥郡

也信乎其基諸此矣因綴言簡端以紀盛云

嘉慶二十三年歲次戊寅秋七月

賜同進士出身

誥授資政大夫前翰林院檢討雲貴典試副考官湖南正考官歷陞山東廣西道監察御史吏科工科掌印給

事中巡視東漕察院兵部侍郎兼都
察院右副都御史河東河道總督現
廣東巡撫部院提督軍務兼理糧餉
加三級郡人李鴻賓撰

舊志序一

明去治年

童湖

孟子論諸侯封國之制曰不百里不足以守宗廟之典籍是以
典籍爲首事也三代之後如杞如宋皆不足徵克存之者惟魯
而已如春秋之季僖桓之宮猶有禮書御書象魏之藏故當時
以儒書秉禮之邦稱之孔子論政俗則曰魯一變至於道論禮
樂則曰吾舍魯何適矣於是取魯史筆之削之立爲百王不易
之大法向使魯無所藏則聖人亦無從而案之也秦雖焚滅詩
書而圖籍亦藏於府中漢之所以得王天下者實是之賴而不
專於馬上也九江本吳楚二國之地秦改爲郡漢封黥布爲九

江王而名始著地數百里古諸侯之大國也附庸之邑有五擅
廬阜之高挾鄱湖之險匯江漢之深山川之秀實甲於他郡是
以人物之生其地者陸續之孝六歲而稱陶潛之節千載以仰
陳兢之義十八世而同居寓其地者豪邁如李謫仙放逸如史
北海固閭世人也而道喪千載覺我後人則又有如宋之周夫
子焉至若仕其地者漢灌嬰宋均晉陶侃庾亮唐狄仁傑白居易
易宋呂誨岳飛余崇龜魏了翁之輩皆章章在人耳目者典籍
具存生者其秀之孕寓者其秀之感仕者其秀之合也惜乎元
政不綱李忠文公支一木以扶大厦之顛而不克後遂爲僞漢

陳友諒所據虐焰赭山毒流赤水甚於祖龍之時正詩所謂周
餘黎民靡有子遺也尙何典籍志記之足守哉我太祖高皇帝
破友諒定九江在辛丑之歲於茲蓋百二十餘年矣生理漸復
人文漸興將有如昔之時而無與爲景仰者於是因政之暇命
儒官搜集五縣志於殘失之餘而手自校集刻梓以示於世傳
疑傳信俾生於斯寓於斯仕於斯者各夷考其實而師法之以
無負是地山川之秀則所謂一變而至道者不有於斯籍乎於
乎攻據不精遺漏或甚自愧學識之疎也然百年墜典一朝舉
焉亦難矣後之繼筆者取以爲傳案未必無一助協成是事同

寅楊公琰吳公經也

舊志序二 明宏治 年

楊守祉

治有務不知務曰盲目則民欺不能務曰懦懦則民侮知之能之而不肯務曰怠怠則民玩盲非學不明懦非勇不立怠非誠不勵世之爲治者民欺焉侮焉玩焉曰民之梗果梗乎抑盲乎懦乎怠乎學明於中勇行於外誠守於久而致治之職盡矣吾於九江太守童侯之爲治而論及此太守古諸侯之職卽漢宣帝所謂與我共理天下之二千石也若我國家尤重其選選於內必下大夫之賢也選於外必州牧守之尤也侯以名進士先

守直隸祁州以能績聞當守遷今職於九江將踰六年矣九江江右要衝之地以土則瘠以民則寡以政則繁以俗則敝侯爲之一二年之後野無不毛之地市無無告之人庭無不直之獄城塹高之深之壇社崇之飭之祀事豐之潔之治署新之擴之學校興之復之人材作之起之衢道修之平之輿梁成之固之材需公羨力役時暇土不知其瘠民不知其寡政不知其繁俗不知其敝也六年猶三年也三年猶一二年也謂九江之民不欺不侮不玩非也欲欺欲侮欲玩之而不得也侯之學有以明其務而勇有以行之誠有以久之也今年述職京師謂余曰九

江入我國朝版籍殆百二十餘年郡之典籍志記無一之足徵
詎非缺典乎吾分符其地搜檢殘餘之中得志一集卷凡十四
目凡十條凡七十子我鄉之文宗也盍爲我序之余曰志卽史
也史者記事之書侯之心蓋欲記古人所務之事考今日所務
之事也於乎以侯之心推之而但可守九江一郡矣乎

舊志序三

明嘉靖六年

楊一清

國有史郡有志志以述事事以藏往藏往以知來是故文獻足
徵焉勸戒不惑焉夫志史之翼也君子參伍以通其變小人法
守以修其業由俗以出政省方以立教不出書契而知天下者

稽之志而已矣九江地界荆揚當楚之衝據金陵上游歷代爲
重鎮郡故有志廣陵何君秉以憲副飭兵於茲懼故志歲久殘
廢且多所疑謬釐而新焉質之載籍咨之見聞芟繁理亂搜隱
析微而疑者信謬者正殘廢者修矣志成請予序之予觀其書
秩而有倫約而弗遺其事覈其文質而贍或發凡以舉要或緯
圖以法象體國經野以爲民極故首之以郡域封山濬川使同
貫利故次之以山川設官分職則地利可盡而民不失業故次
之以宦蹟政平治理則教化敦而賢才興故次之以人物辨方
正位以居民也故次之以宮室蒐乘補卒以備不虞故次之以

兵衛兵足則民附民附而後可以時遊觀節勞佚也故次之以古蹟存古者莫若衛其園陵故次之以陵墓異教非經也創之自古昔今不能廢故又次之以寺觀該古今之變綜事物之情者莫若文字故次之以詩文終焉凡風俗之因革制度之隆汙食貨之盈縮賦役之繁簡下至溝塗津梁倉庫遺逸纖悉畢究往者存焉來者考焉故曰文獻足徵而勸戒不惑可以觀可以興矣何君之泣九江也期而報政曰武備飭矣廩庾實矣膠庠作矣百度貞矣獨志弗稱耳抑何以示久遠且稽古者之責也君初爲御史覈軍功四川遷南京太僕少卿改按察副使所至有聲蹟斯志也蓋政成而後作焉君子又以知其爲政之知所先後也志凡若干卷主之者何君始舉其事者知府東君漢旣而任其事者知府馮君曾其相成之者同知姜君輅也

舊志序四

明嘉靖六年

李汎

古者列國必有史官掌記時政後世郡邑雖非封國之比然得專祀社稷山川之神儼然古諸侯也豈可無紀述邪廣陵篤齋何公以南京太僕寺少卿改江西按察司副使奉勅飭兵九公餘稽古嘗以舊志遺謬爲缺典郡守東侯漢曰此某責也方欲舉行而有南昌之調茲馮侯曾繼之慨然以此爲爲政之所

先迺請於公遣聘幣至鏡山屬余秉筆終其事焉余何人斯而敢當此辭至再公手教益堅於是幡然曰匡廬在念久矣茲顧沮邪遂乘舟下石門越浮梁至番之芝山驛風雨交作意又索然頃之篤齋公舟適至遂挈以往豈非數合有此行邪經都昌舍舟而與凡二百里抵九江城所謂匡山彭蠡鹿洞濂溪諸名勝皆獲親歷平生幽抱愜矣慰矣竊心語不知何以副公所委之萬一邪明日馮侯與郡貳姜君輅節推張君得麟設宴開局文士畢集鄉宦則行人王君汝賓鄉舉則柳子邦傑陳子守仁何子貫陳子必升陳子守信庠彥則劉徽黃獻歐陽國光王用

余文獻又延莆田逸士葉綸共分視席對讀則儒士羅緯於凡詔者正之遺者補之畧者詳之不經者刪去之而又條具而例合之邑分而郡總之故子得因羣力以爲力取衆長以爲長兩踰月而告成焉謹序於末曰自昔方輿有圖有志所以資政治也非但備遺忘廣見聞而已蓋計田賦而知公斂之厚薄因物產而知民生之豐儉察宦蹟而知吏治之得失論人物而知士習之淳正俗尚之澆淳至若興學校以明禮義表忠節以勸風化嚴祀典以敬鬼神與夫據形勝飭兵防以備四方之警舉可按圖而知然則志之繫於治體不亦重且大哉雖然斯志也非

篤齋公力主之馮侯克成之姜張二君輔翼之一時清才遠識
德侔而道合言聽而氣同則子以病夫遐叟亦惡得掛名圖牒
與青雲諸君子分尺寸之功於千里之外也哉

舊志序五

明天啟甲子年

陸夢龍

九江志纂自童守湖嘉靖初何兵備素再修之今覓湖志不得
桑子木紀廬山事引舊志俱可觀不知卽湖志耶抑宋元間固
有之耶李汎序何志謂舊志遺謬屬汎正而補之而何志之謬
爲自來所未有宦表列梁元帝直云王繹湘東人桂陽王休範
云王休範桂陽人元次山曾寓澆谿而謂生於瑞昌王子純以

武功顯而列之文苑皇甫元晏安定人謝康樂陽夏人而傳之
人物二程兄弟侍周茂叔於南安而綴之流寓胡旦狀元及第
者渤海人而合之德安諸如此類瞑目而不見邱山者九十餘
年於此其後人邇事續無撰者相傳說能言之者益寡蓋文獻
之闕久矣余篋中書旣前汨於彭澤南州鬱儀家多藏書富腹
笥實以古事鬱儀爲手較而授之邇事則稽於衆及所佚見鄉
先生傳爲烈出其所覩記乃衷焉人從傳傳從正史事從宜風
俗山川文物先後營建之蹟從所不誣而槩廣之間有舊志所
載無稽無詢始姑仍之知其不無誤也余手所拮据起癸亥冬

日越三月甲子春志成序曰夫志文獻則其徵者是以因革爲大以張四維勸懲爲大機宜洞於識而窅繁熟於嘗假人之口以知之而假人之手以宣之而以爲行乎止乎盈乎縮乎通乎塞乎此已窮於瘳而人窮於搔瘳也非官師莫宜此矣夫華衮人之所榮也榮人者濫焉斧鉞人之所創也創人者賺焉諛無如顯飾無如幽黜無如文濫無如市徇無如面則余皆所不敢鬱儀名謀璋爲烈名宏祖翼以有成則德化含蕭上達

舊志序六

本朝順治十八年

胡宗虞

禹貢九江故荆揚二州之境春秋爲吳楚地秦改郡漢封黥布

爲九江王而名益著面匡廬挾彭蠡山川之秀實甲他郡予戊戌秋濫竽九江司理甫入境見室廬灰燼古蹟蒼涼慨焉興歎而傷今昔之殊觀及徵郡志久事鬱攸雖欲修輯其道無由十一月卽有輯瑞之役不克稽違事採遺聞越明年三月

陞辭南旋便道還毘陵撥諸藏笥得九江舊志數卷爲予兄翼在司權關時所寄因攜之任於退食之暇閱從刪補字板謬誤殊不耐觀予攻志之所自昉於宏治初年太守童潮命六學儒官纂輯一十四卷嘉靖六年廣陵何棻以憲副飭兵九江續輯一十六卷曩翼在所貽固何志也踵童之舊而修飭之功缺焉

是以弗澤於雅也今年夏五予將較讐何志付之剞劂適溥士
柯生以陸公夢龍新志相質予觀輿地食貨諸小序俱英英逼
古卽各人選述亦多所節畧刻於天啓四年洵稱九江良史予
以名宦合諸職官兵防附諸建置獨刪事宜者以事有宜於昔
而不宜於今也若乃藝文爲是邦人文所聚詩有陶謝李杜文
有歐蘇張朱忠謹之言苑爲內編仙釋之錄裒成異采志記竊
比春秋文辭可追爾雅故藝文較陸志有加勒成二十二卷上
之大中丞張公以備採風逸乘焉其有功郡志者例宜並書另
表姓氏以垂不朽

舊志序七

本朝康熙十二年

江殷道

君子以經世勵俗爲任綜數百年之民物風教操筆而衷其是
則必尙嚴而恥同然而有遠近之殊焉蒐討舊章糾駁前疑易
於嚴而難於核龍門家世史官猶誤闕止爲子我廬陵五代史
劉壯輿多摘其譌謬聽遠者聞疾不聞舒烏焉成馬勢使然也
至於耳目傳述之相接田夫羹童所能言者可謂核矣而詘屢
有嫌屢匿有故如孫盛諸子私改晉春秋袁虎東征賦被脅陶
公子甚者黨同而伐異清文而濁質把豐狐射奇貨往往然也
故不特國史載近代是非紛紜靡定卽郡邑志較有難焉者欲

志之作而傳傳而信得乎今

聖天子大復古詢茲黃髮以爲周官小史掌邦國之志外史掌四方之志志者誌也使輜軒所采不貢於冊府何以周知天下之故廼

詔春官牒直省開局延儒纂成通誌諸州邑誌統於郡諸郡誌上於道司院部至重鉅也余官守九江嘗詢其故乘自陸而溯至於何又溯至於童年愈久則愈疎郡司李蘭陵胡君續修於順治辛丑而後自甲子以來三十年一郡五邑之事蹟犁然具備當時宿老操觚羣英秉帙編摩論次之功顧不勤矣哉夫何

立十二年之後以指十二年之前猶蚤暮耳卽有誦歷度匿如前所云者當奈何賴鄉大夫文燈巖黃雷岸兩先生海內推爲靈光文獻余不敏承龍邱任棠之益蓋亦有年以余敦請輒命駕山中旣適館致襄涓吉分曹爰質所疑於兩先生則毅然曰夫興利而除弊獎正而斥邪者長吏事也長吏之事君子嫌於近之爲其濡迹而召毀雖然此邦坳瘠微福於大夫甚厚今大夫行古之道而以世俗之暱近者相劇切也其又何嫌乎遂與張子威諸子載筆纂修勿徇勿猥舉其蕭稂攻其壘穎閱兩月而誌成凡十八卷補遺核實其書盡而不汙直而不肆一木春

秋太史之法前此之漶漫者蹟駁者皆藉是爲功臣雖與匡阜
潯江高深俱永可也獨是余授事且三霜曠蒞示稷岐穗茂紀
卽顓獨請賑除荒屯興洞學諸事兢兢奉職掌告無過而已其
何述之有兩先生則以爲避名而諱功者曲士咫尺之誼非大
儒經國之道昔闕宮作則頌之越州救災則紀之韓重華修屯
則序之皆著令典爲後世法豈私其人哉然余終不敢自居也
惟與諸鄉先生期成一郡之信史俾後君子採擇焉

舊志序八

本朝康熙十二年

文德翼

謹按秦分天下爲三十六郡卽有九江郡矣漢因之然考漢書

九江所統濶遠微與今不合或者謂江州爲九江殆非也晉渡
江荆揚爲巨鎮疑外重割兩鎮數屬郡立爲江州或寓治豫章
或寓治武昌無常所是九江特江州一郡非主名或者又謂尋
陽爲九江抑非也穀梁曰水以北爲陽九江背尋江宜名尋陰
不宜名尋陽宋書柳元景統薛安都等十二軍發湓口武陵王
駿發尋陽是二地也九江有湓口不知尋陽所在憶讀竹書紀
年記周康王十八年巡狩九江之廬山今水簾泉尚名康王谷
則九江以廬山爲表識斷可知矣禹貢釋文烏白江蚌江烏江
嘉靡江畎江源江廩江提江箇江爲九江殊汗漫不可辨已

天下同文大修郡志甚盛舉也太守漢陽江公繆以命不佞
翼典其事翼壯不如人今老矣家無藏書舊聞放失循古以來
官師人士絕不能貫珠編貝以信於來茲固辭不允乃薦剡同
郡名雋碩儒圖分局異各任一條閱月始成德翼補苴隙漏塗
易訛謬不能萬一謹獻於公公博物高文橫絕一代董狐司馬
精於取裁然愚以爲九江立郡以來稱循良者莫最宋叔庠均
叔庠渡虎不如公之賑荒蠲屯也凶歲且不爲灾况虎乎叔庠
投巫不如公之興學造士也異教且不爲害况巫乎九江三省
參會水陸俱衝車蓋樓船應接不暇萑苻伏莽搜剔亦艱公退

食委蛇或結交陶白於異代倘徉湖中或進訪永遠於二林興
寄方外悠閒自適紓餘爲妍更成此書垂之久遠凡千里之興
除與百代之因革如觀理於掌上如聚米於目前可謂詳慎矣
德翼僅一書記弭不律供喻糜以從事朝夕爲役曾無一勞復
次第其事列序於公後惟有慚惶而已

舊志序九

本朝康熙十二年

黃雲師

九江志成於順治辛丑今再修者何遵

新令也辛丑距今方一紀所成志亦可以應

令而必再修者何蓋念鞠使君之慎也春秋所載有見有聞有

傳聞遠之則畧而近之則詳遠之則疎而近之則親乃子與氏論春秋獨以文歸史後之說者至謂游夏不能贊余竊意定哀之際史官書未敢遽出一二十年間事孔子未嘗不採諸游夏其文率自作不出於史何則以其近而見之最親且詳也就簿志論百餘年中凡四修童何二志不可知會稽陸公則明云古事咨朱鬱儀邇事咨傅爲烈而胡公近志其條目諸小序十九皆屬余具藁然紀錄自操獻徵未廣近蹟尤多缺如無他局未開而聚議無地旁求狹且固而考訂無人也使君慎之矣臺檄下卽攬結詞英肅掃蕭寺高齋以延學士設醴以處申公卽余歎啟鮮聞爾依巖岫亦招致而寄以東里之責於時人挾靈珠思欲以長自見編摩揚摧焚膏繼晷兩閱月而志已成例稟中州詞無溢美繇陸志到今其事其人率纖悉具載昔蔚宗作史以十志委謝儼承叔子京修唐書亦分註所紀古人敬重史事類如斯也夫史有三長而郡國之史尤濡染於耳目或筆或削惟使君是正茲不具論乃余獨謂吾儒立功因事以見使君下重事遇荒則功在賑救遇屯則功在清蠲其他端不可枚舉新令修志亦綜理微密視前政尤隆重一切臨事不敢苟然以應必盡善乃已以故事至而功以立若斯志見一斑耳假令淵

明而在馬喙校書之詩可不作焉

舊志序十

本朝康熙十二年

張秉鉉

九江郡志在明有太守童公潮憲副何公棐及陸公夢龍彼三公者精心考覈紀載無餘洵良史矣但編自前朝而繼此者不具焉我

國家大鼎初定司李胡公宗虞重修之兵燹之餘大抵亦從三誌而筆削已耳夫山川形勝固有定勢而時之兵防不一丁徭田賦固有定數而時之增減不一職官守令固有定位而時之裁設不一土俗人才固有定分而時之盛衰不一邱陵創建固

有定在而時之廢置不一騷人墨士固有定體而時之風氣不一使不爲之搜羅往昔延攬近今何以成一代之文獻備一朝之典章也哉茲奉

簡命纂修通志接古續今甚盛舉也若九江叢爾一區足備職方之載輜軒之採者固自無多然控荆引越襟帶江湖形勝言之亦重鎮也丁僅二萬六千有餘戶田僅一萬二千有餘頃而漕艘則充宿衛關樞則裕司農徭賦言之亦劇邑也語職官捍難如灌睢陽如温太真撫字如少室如懷英如司馬香山語人才節如元亮義如伯宣理學如濂溪魏科如伍如馬未能更僕

至廬山秀甲天下擇勝棲遲登臨託志者往往不乏矧

景運方新人康物阜鍾靈蔚起之秋乎郡守江公念鞠先生楚

國名賢海內鉅望蒞任未一載穰饑告繼建學課農無不以國

計民生爲已任值督撫藩司修纂之命下卽日備供具擇館局

徵聘文君鐙巖黃君雷岸兩先生學具史才猶以獨任爲嫌乃

委責於合郡諸多士鉉何人斯敢當是役惟是偕諸同志旣已

分彙專司又復互相參訂而監修則學博閔子諱傑書成正之

文黃一先生然後上於念鞠江公論定可否爲兵防者若何爲

增減者若何爲裁設者若何與爲盛爲衰爲廢爲置爲低昂者

又若何行必展其幽微言必採其蘊實一一疏畫將以補童何

數公之闕者庶幾其有當也夫

繪

圖

選本之開音無幾其音當出夫
又昔同音必無其由難言必結其漸實一一論畫說及海江

九江府志



九江府屬總圖



九江府德化縣圖



南德安縣界

北德化縣界

西北廣濟界

德安縣圖



東南星子縣界

西北湖口縣界



德化縣界 東北



北西 興國州界

圖日線國



圖縣昌瑞

東北 德化縣界





湖口縣圖



東南抵江



東抵江
北抵江
南抵江

彭澤縣圖

昌縣界



西北抵江



廬山圖



修志姓氏

鑒定

欽命分巡廣饒九南兵備道督理九江關稅務兼管臺廠事

任蘭祐

欽命分巡廣饒九南兵備道督理九江關稅務兼管臺廠事

廣惠

總裁

九江府知府前翰林院編修

朱榮

署理

特授九江府知府

朱天浩

叅訂

九江府江防總捕同知

羅富明



九江府水利通判 達冲阿

浙江舉人候補國子監學正 沈學誠

德化縣知縣兼理九江總捕同知 鄒文炳

署理 特授 德安府縣知縣 葉蘭 喬淮

署瑞昌縣知縣 張浦雲

湖口縣知縣 李煦

彭澤縣知縣 周巖

九江府儒學教授 賴澤霖

九江府儒學訓導 曹傑

德化縣儒學教諭 江華玉

德化縣儒學訓導 吳鸞翔

德安縣儒學教諭 熊際飛

德安縣儒學訓導 石濠

瑞昌縣儒學教諭 漆元珽

瑞昌縣儒學訓導 蔡象達

湖口縣儒學教諭 陳輝琳

湖口縣儒學訓導 胡進思

彭澤縣儒學教諭 李震陽

彭澤縣儒學訓導 劉毓祺 舒業順

編纂 謝

翰林院庶吉士原任湖南衡陽縣知縣 曹芸細

分纂 謝

彭澤縣恩學貢生 柯元翹

瑞昌縣拔學貢生 文崇雅

德化縣學貢生 廖泰琚

湖口縣廩貢生原署會昌縣訓導 潘秉鶴

彭澤縣優等增生 劉開元

德安縣廩貢生 萬念嶠

德化縣歲貢生 譚昌槐

湖口縣舉人 梅佳楨

彭澤縣舉人 歐陽士玉

湖口縣舉人 周豐年

彭澤縣廩貢生原署贛州府教授 宗魯璵

湖口縣優增生 周厚翰

彭澤縣拔貢生 俞一崧

德化縣舉人 洪仲升

湖 口 縣 廩 生 彭嘉梓
德 化 縣 監 生 何振鑽

較對

彭 澤 縣 拔 貢 生 曾光璧

瑞 昌 縣 舉 人 范濟川

德 安 縣 增 生 周 濱

彭 澤 縣 附 生 周日庚

湖 口 縣 廩 貢 生 彭嘉暹

德 化 縣 候 選 部 司 務 陳備來

彭 澤 縣 附 生 歐陽霽

瑞 昌 縣 附 生 劉士俊

湖 口 縣 副 貢 生 郭嘉瑞

德 化 縣 舉 人 蔡 錦

彭 澤 縣 廩 生 丁 芬

經理

德 化 縣 副 貢 生 史善絡

彭 澤 縣 貢 生 候 選 理 問 丁世馥

湖 口 縣 附 貢 生 候 選 理 問 周厚軾

德安縣主簿生員 萬方寧

彭澤縣貢縣生員 時和

瑞昌縣監貢生 周起錦

德化縣候選州同 楊魁

德安縣增生 燕位圻

督梓

九江府儒學經歷 吳正緯

九江府照磨 符蘊華

九江府志卷首

凡例

志以詳載一郡之事疆域既定建置以興而學校為羣才之根本百度之胚胎繼之建牧立長論秀書升惇典庸禮善政養民焉至人傑實鍾地靈內行更為教本名賢過化遷而亦良品類區分奇不混正表揚不遺於閩閩風俗益醇於閩閩茂實既收英華斯擷採芳摘藻皆足發山川之靈秀標人事之美盛正不徒侈風雲月露流連光景已也其古事堪徵稗野可拾者并闕縷簡未兼資博採而志之體備矣

一舊志以建置沿革合爲一條因思沿革專表郡縣分合遷移名號或沿或革而建置則載地方應立之規模我

朝制度修明百廢具舉自城池公廨以及恤孤養嬰莫不區畫周詳今以沿革列於方輿而一切要規昔之所無爲今之所有今之所興爲昔之所廢者臚舉於建置一條庶幾詳備焉

一學校雖可居建置之中但古者建國君民教學爲先

本朝曠典頻頒規制尤備今另立專條自學宮而外及書院義社各學詳晰登載以昭重大

一府志職官自宜從知府始但九江自秦爲郡後爲州爲軍爲

路其品秩崇卑地方廣狹雖今昔各殊而稱九江潯陽江州者

昭昭在目數典者旣不能忘祖且從前巡道往往以九江爲駐

劄地關督歷駐九江及湖口今且以巡道兼理關務雖統轄四

府而九江之依樾蔭者更爲切近故仍從舊登載不敢或畧

一宦蹟傳舊志列於人物傳之前從列傳類也今改載於職官

之後不但與本地人物相淆且因官考傳而或存虛名或著

實政法戒具在最易觀感

一宦蹟傳所以著此郡之宦蹟非如人物傳之概舉其人生平

茲較舊志畧從節刪正以見尸祝有由不同泛爲摭拾

一選舉首薦辟次科目以科目由後起也我

朝嘉惠耆儒更極優渥故增載於科目之後其仕籍一條無論

職分崇卑悉行登載以一經委質皆可報効固不論崇卑也惟

授職則祇載八品以上其僅捐九品職銜及椽吏報滿考准者

悉詳縣志茲不備載

一典禮舊志從畧乾隆丙子年府屬各縣修志另立專條足徵

明備茲較縣志更有改易而食貨較舊志亦多增損一照新頒

禮部則例一照新頒賦役全書及戶部則例均取現在奉行非

敢率臆更張

一人物傳各志多分類登載一家而數人分傳世次每致顛倒

一人而數事兼長偏舉或致掛漏今仍江志統列人物不復分

類惟孝為百行之原本宜特書而鄉國善士好義樂施庸行克

謹表之亦足以端風尚江志以孝義另標一條命意有在茲仍

從之不嫌偏舉

一僑寓仙釋方技雖可列人物之內但僑寓似於借才仙釋外

於正經方技究屬小道茲另標別傳不致紊淆

一列女不附於人物所以厚別其已經請

旌與未及請

旌者並載志乘用紀

闕恩并彰潛德

一志載藝文以備徵考必有關於此郡山川風俗利弊因革者然後載入向來志書體例如此卽如匡廬爲數郡鎮山題詠最夥而九江止轄匡北凡寫匡南及泛寫廬山者自有廬山志在茲較舊志畧爲刪汰其此外一切無關係之文俱不濫登致乖體例

一繕寫行款書手生疎易於錯誤今定卷首行書某府志頂格寫次行標綱低一格寫標目低二格寫本文謹遵

欽定四庫全書之例俱頂格寫其應單擡及雙擡三擡者另行頂格分註低一格寫遇應擡字面行內空格名人文集具有定式非可以奏疏書啓之例拘也

一藝文因胡江二志間有舛訛無從考正不敢臆更閱者諒之二府志以送府用印者爲定本具或增減不符卽屬僞本用印者二部一存府禮房一存府學以昭畫一

九江府志

卷首

序文

原序

繪圖

姓氏

凡例

目錄

卷一

方輿

分野

沿革

疆域

形勢

風俗

卷二

方輿

山川

水利

卷三

方輿

古蹟

寺觀

邱墓在秩祀外者

義塚附

卷四

建置

城池

公署

倉廩

考棚附

試館附

卷五

建置

兵防

郵傳

軍衛

津梁

育嬰堂

普濟堂

卷六

學校

崇祀

義學

學制

學田

書院

社學

卷七

職官

統部

講堂

射圃

昌考

捐案由附



卷八 職官 德化 德安 瑞昌

卷九 職官 湖口 彭澤

卷十 宦蹟 碎薦 進士

卷十一 選舉 舉人

卷十二 選舉 貢生 耆儒 武科

卷十三 選舉 仕籍 武階 附授職 武職 並載 封蔭

卷十四 選舉 例貢 壇祀 廟祀 墓祀 賦衍祀 慶賀 講約

卷十五 典禮 鄉飲酒禮 鄉賓者青 婚禮 冠服 通制

喪禮 服制

卷十六 食貨 戶口 田產 屯田 蘆課 雜稅 關稅

卷十七 人物

卷十八 孝義 僑寓 仙釋 方技

卷十九 別傳 德化 德安 瑞昌

卷二十 列女 湖口 彭澤

卷二十一 列女 晉文 劉宋文 梁文 唐文 宋文 元文

卷二十二 藝文 明文

卷二十三 藝文 國朝文

卷二十四 藝文

卷廿五

藝文

國朝文

歷朝賦附

卷廿六

藝文

晉詩

南北朝詩

唐詩

宋詩

元詩

卷廿七

藝文

明詩二

卷廿八

藝文

國朝詩一

卷廿九

藝文

國朝詩二

卷三十

紀事

詳異 史事 軼事 採訪勸捐姓氏附 跋

九江府志卷一

方輿

分野 古蹟

沿革 寺觀

疆域 邱墓在祀典外者義塚附

形勢

風俗

山川

水利

四方攸同

皇王維辟形方申畫列職是司仰觀俯察象異形殊方野布局

匪曰拘墟慎固封守道則然已九江分應斗躔界連吳會

雖州路郡縣稱謫不常而枕山帶江實為歷朝之重鎮職

斯地者能與利維風輝映往蹟則政教所洽且化淪方外

澤沛枯朽矣敬哉有土敢不葺歟志方輿



分野

吳地斗分野也今之會稽九江丹陽豫章廬江廣陵六安臨淮郡盡吳分也

漢書地理志

自南斗十二度至須女七度為星紀於辰在丑吳越分野屬揚

州 晉書天文志

斗牽牛須女吳越揚州九江入斗一度

同上

北方南斗六星南星者魁星也北星杓也石申曰魁第六星主

九江 宋史天文志

蒙山以東至南江會稽震澤徐揚之州屬權星大別以東至雷

澤九江荆州屬衡星 春秋文耀鉤

南斗牽牛星紀之次初斗十一度外末女七度內於分為吳越

於辰在丑於野在揚自漢廬江九江負淮水之南盡臨淮廣陵

于大吉天文秘訣

九江入牛五度 同上

玉衡第六星主揚州常以五巳日候之癸巳為九江 星經

斗六星二十五度為吳之分野南康斗四度九江入牛五度 十二

八宿分野圖說

九江南康吉安禹貢荆揚二州之域星紀斗分 清類天文分野

九江府志 卷一
九江天文斗牛分野

牛六星七度吳之分野九江揚州淮安湖州温州

章大力量次分野

星紀度數漢志引黃帝分星次起斗十一度至女七度蔡邕起斗六度至女二度皆得二十九度費直起斗十度至女五度晉志起斗十二度至女七度唐書起斗九度至女四度皆得二十八度是星紀不得與諸辰均矣晉志以豫章入斗十度廬江入斗六度九江一度而星紀之次乃起斗十二度則星紀析木各得斗度之半豫章與九江廬江皆不得居星紀當入析木之津矣惟元郭守敬起斗三度七十六分八十五秒終女二度六分

三十八秒則斗牛正在星紀之次吳越亦當牛斗之分而各辰度數皆均庶幾近之諸家星紀之度皆不足三十其分野數千里約二百里不能當一度九江豫章相距二百里而遙而遂差九度則盡星紀之野雖百度不給也且界以彭蠡則九江濱湖北豫章濱湖南經以江漢則九江在江南廬江在江北九江一度豫章十度乃自北而入南而廬江六度又自南而入北則星宿亂矣安所取衷哉

撫州舊志

一統志豫章十三郡皆禹貢揚州之域而九江南康則地兼乎荆天文斗分野而九江則宿兼平牛考牛宿本位居丑之次爲

吳越揚州之分六星凡七度此王勃所謂斗牛之墟者乎然斗二十五度所分野之地週數千里躔度次舍宜有鑿然不爽者考之天文諸書以及各郡舊志類皆沿習異同不能分晰各度乃蒐求遺書獲殘卷三帙二十八宿分野之圖說僅存云斗六星二十五度爲吳之分野南昌入斗八度饒州廣信同居七度瑞州三度建昌五度撫州六度吉安九度贛州十二度南康臨江袁州南安俱斗四度而九江則入牛五度雖分郡甚晰然與九江入斗一度豫章入斗十度從前諸家又相逕庭矣

江西志論

晉志自南斗十二度至須女七度爲星紀于辰在丑國則吳越

州則揚州又析斗女分豫章八斗十度九江入斗一度今考劉青田分野細數九江南康廣信三府俱屬斗二十度而入斗一度者乃江寧揚州二府

府舊志

班固地理志以斗牛爲吳分野九江屬焉瑞昌九江屬邑相去不數十里星野將安辨之嘗考蘇軾辰次圖以南斗十度爲吳之頭以軫十度爲楚之尾費直星歷南斗三十度屬豫章軫之十度屬武昌瑞昌楚之尾也接壤武昌星次似宜爲軫不爲斗

瑞昌志

九江分野細數或斗牛異宿或權衡異星或一二十異度而斗

一度在寅爲析木之次并吳揚有不盡屬星紀者矣尤難曉者豫章鄰郡也而據晉志差九度南康鄰府也而據殘卷差二十六度不惟與二百五十里當一度之數大遠卽相屬以氣不繫方隅不應逾絕若是天道元遠欲密反疎大抵星紀之分斗牛之間勿鑿可也

湖口志

魏太史令陳卓論郡國所入宿度九江入斗一度廬江入斗六度豫章入斗十度彭澤爲九江屬邑斗旣爲九江分星則亦彭之分星也然泥于屬縣之說前此屬廬江矣其入斗之六不入斗之一乎又嘗屬豫章矣其易斗之一而入斗之六又易斗之

六而入斗之十乎且瑞亦屬邑說者謂其近楚尙欲以軫當之南康與九江一匡山隔耳而分野圖說以南康爲斗四度九江爲牛五度然則星野之同不以地相近相統而以氣相屬乎九江五邑惟彭最古禹貢彭蠡澤在西因以名縣漢末有彭澤郡隋開皇間改尋陽爲彭蠡縣南唐保太中以彭澤二鄉析置湖口縣是今九江之地大半古之彭澤雖析而分之其天文相麗一也然則地相聯氣相屬謂與九江同入斗一度也可

彭澤舊志

沿革

禹貢揚荆二州之境

元和郡縣志

春秋吳楚二國地

舊志

戰國屬楚周元王三年越滅吳顯王三十五年楚威王殺越王
無疆盡取故吳地

舊志

秦爲九江郡始皇十三年王翦滅楚明年分天下爲三十六郡

注九江其一也

史記秦始皇本紀

漢爲豫章郡高帝元年項羽立黥布爲九江王四年分九江置

淮南國六年分淮南置豫章郡柴桑隸焉

舊志

漢末南境入吳屬彭澤郡北境入魏屬廬江郡後盡入吳屬武昌郡

豫章書

三國建安二十五年權自公安都鄂改名武昌以武昌下雒陽陽新柴桑沙羨六縣爲武昌郡

三國吳志

晉元康元年置江州永興元年置尋陽郡屬江州永嘉元年江州又置新蔡郡尋陽郡又置九江上甲二縣尋又省九江縣入

尋陽

晉書志

宋齊爲尋陽郡屬江州

舊志

梁成帝咸通元年移江州理潁城卽今郡是也

太平寰宇記董榕訂訛云梁

無成帝亦無咸通年號晉成帝自咸和年號亦無發江州事不知何據俟再考文尋字加水爲潯自潯陽王天心始也梁以前作潯者誤

陳武帝于潯陽置西江州復理豫章文帝天嘉元年省西江州江州自豫章復理潯陽

元和郡縣志

隋平陳郡廢又廢汝南柴桑二縣立潯陽縣十八年改曰彭蠡縣大業初置郡

隋書志

唐武德四年置江州領潁城潯陽彭澤三縣天寶元年改爲潯

陽郡乾元二年復爲江州

唐書

五代屬吳亦爲尋陽縣屬江州

舊志

宋元明仍舊

國朝因之編戶一十七里

德安

本歷陵縣二漢屬豫章郡

輿地廣記

豫章郡領縣十八歷陵隸焉

漢書地理志

莽曰蒲亭

同上

東漢復為歷陵縣仍屬豫章郡

舊志

吳晉皆為歷陵縣

寰宇通志

晉鄱陽郡統縣八六曰歷陵

晉書地理志

梁省入柴桑縣

舊志

隋為湓城縣南境

寰宇通志

唐武德初析置楚城縣八年以歷陵之故址立為蒲塘驛隸楚城縣貞元中以去州遠割三鄉為兩稅場曰蒲塘場尋廢咸通

五年復為場

舊志

楊吳升為德安縣德所綏安也

郡縣釋名

宋元明仍舊

國朝因之編戶一十八里

瑞昌

本赤烏場地蓋宋桑之舊域也

太平寰宇記

漢時在柴桑之北尋陽之西隸尋陽縣

舊志

三國程普駐兵于此有赤烏來鳴讖曰明日必有祥既得赤壁

之報名其地曰赤烏鎮又曰武昌鎮後改縣因鎮名也

郡縣釋名

唐建中四年以潯陽西偏僻遠立赤烏場

名勝志

南唐昇元三年升為武昌縣宋因之

舊志

元屬江州路合興國德化德安湖口彭澤為六州

江臯舊志

明屬江西省割興國與武昌易寧州武昌縣遂為邊徼

江臯舊志

國統因之編戶一十四里

湖口

漢鄴陽鎮地屬彭澤縣劉宋之湖口戍也

名勝志

湖口戍是南朝舊鎮上據大鐘石旁臨大江唐武德五年安撫

使李大亮以為要衝遂置鎮

寰宇記

南唐保大中以彭澤二鄉析置湖口縣屬江州

寰宇通志

宋江州路領縣五四曰湖口

宋史志

元明仍舊

國朝因之編戶一十七里

彭澤

禹貢彭蠡澤在西因以名縣

輿地廣記

漢豫章郡領縣十八其三曰彭澤

漢書地理志

後漢豫章郡二十一城其十三曰彭澤

後漢書郡國志

三國爲彭澤郡

豫章書

晉豫章郡領縣十六其十曰彭澤

晉書志

晉懷帝永嘉元年又以豫章之彭澤縣屬尋陽郡

同上

宋齊亦屬江州尋陽郡

舊志

梁置太原郡領彭澤晉陽和城天水隋平陳郡縣並廢

置龍城

縣開皇十八年改名彭澤縣

隋書志

唐武德五年置涪州移彭澤爲附郭縣又分置都昌樂城二縣

八年罷涪州以彭澤屬江州仍以樂城入彭澤

唐書

開元二十一年分江南道爲江南東道江南西道江州管縣三

潯陽彭澤都昌

元和郡縣志

南唐昇元二年割彭澤鄉及五柳鄉之半爲湖口割黃菊鄉爲東流又并廣泰天水懷恩于五柳合新興建安太平爲四鄉自治州故城遷縣于小孤江次卽今縣治

舊志

宋元明仍舊

國朝因之編戶十八里

九江府志 卷一 九
家隴亦爲湖廣黃梅界沿江一千二百六十里達江寧自黃梅

驛抵

京師二千八百二十七里 舊志作四千
六百里誤

德化

東自城行由崇德舖五十里至南湖嘴與湖口縣連界又十里
至湖口縣治又由峽石四十里至大姑塘東臨鄱陽湖尾東南
自城行三十里至吳章山嶺脊與星子縣連界又五十里至星
子縣治南自城行官道由東林九十五里至馬脰與德安縣連
界又二十五里至德安縣治西自城行由官牌夾六十里至安

城橋與瑞昌連界又十里至瑞昌縣治西北城北渡江西行三
十里至界牌石與黃梅縣連界又八十里至黃梅縣治北城北
渡江行四十里至傅公渡與黃梅縣之孔壠鎮連界又五十里
至黃梅縣治東北城北渡江行八十里至橫壩頭與黃梅縣宿
松縣連界

德安

在府城之南由縣治北至本府一百二十里東西廣一百四十
里南北袤六十里陸路東渡河一十五里至茅橋舖與南康府
星子縣交界西由義豐門外九十里至楊梅嶺與南昌府武寧

縣交界南由南關三十里至驛南鋪與南康府建昌縣交界北
出迎恩門三十里至林青鋪與德化縣分界水路自縣南門外
沿河往上十里至烏石門水發源又自南門往下十五里至敬
思港南康府星子縣交界東至星子縣治七十里西至武寧縣
治一百八十里南至建昌縣治六十里北至瑞昌縣治一百二
十里縣南二十五里界牌嶺與建昌界東南二十五里石山界
星子縣縣東十五里紅花嶺與星子界東二十里軍山與星子
德化分界東北二十五里明山界德化東北三十五里柵嶺界
德化東北六十里高良山德化分界又東北六十里閔山瑞昌

分界縣北六十里秦山界瑞昌又北七十里師姑山界瑞昌又
北七十里潘子山界與瑞昌界縣西北八十里布袋嶺與瑞昌
界縣西九十里屏風山界瑞昌西一百二十里崑崙山界瑞昌
西一百里楊梅嶺與武寧建昌分界縣西南一百里橫山界建
昌武寧西南七十里城門山又西南四十里岷山又西南二十
里石潭山皆與建昌連界由縣治南至省城一百八十里由縣
治北至江寧驛站一千二百九十五里由縣治北至
京師驛站二千九百四十七里

瑞昌

去府城西七十里東西廣一百三十里南北袤九十里東十里至安城橋本府德化縣交界安城橋至德化縣治六十里西一百二十里至肇陳口歸化里湖廣興國州交界歸化里至興國州治六十里南四十里至布袋嶺本府德安縣交界布袋嶺至德安縣治七十里北四十里至大江湖廣黃州府廣濟縣武穴鎮交界大江至廣濟縣治七十里西北五十里至黃岡橋興國州交界黃岡橋至興國州治八十里西南九十里至雙溪本省南昌府武寧縣交界雙溪至武寧縣治七十里東南十里至茂溪口德化縣交界茂溪口至德化縣治七十里東北四十里至

陳子鎮陳子鎮至德化縣治九十里由渠田之鑽天山沿赤湖赤湖至朱湖夾武較林抵陳子鎮縣治之東境也由雙溪出界首歷肇陳武寧直抵興國之富池縣治之西境也由挂榜山越堰山烏岡二鎮直登九都之秦山師姑山白石崖布袋嶺縣治之南境也由武較林沂大江而上經馬頭下巢湖諸處縣治之北境也至

京陸路二千八百九十七里

湖口

東西廣五十里南北袤七十里治所偏西濱江東五十里至梧

桐嶺本府彭澤縣界東南五十三里至西洋橋南康府都昌縣
界南七十里至小桂港都昌縣界東北三十里至觀庄塘石澗
橋彭澤縣界北四十四里至棠山彭澤縣界水則西十里至南
湖嘴本府德化縣界西南三十里至大孤山德化縣界南八十
里至土目河都昌縣界西八里至八里江埽帚尾德化縣界西
北三十里至橫壩頭江南宿松縣界北四十里至時家渡彭澤
縣界西至本府六十里西南至本省三百六十里俱水陸路同
東北水至江寧督部駐此八百一十里北陸至

京師二千八百二十七里

彭澤

東西廣一百三十里南北袤一百一十里幅員三百五十里上
游水路由大江通本府湖口縣西達潯陽江鄱陽湖下游水路
東北達江南池州府東流縣并通下江各省陸路驛道西達本
府湖口縣東北達江南池州府東流縣東至江南池州府建德
縣縣東七十里至大泊湖東岸地名何家潭口交江南池州府
東流縣界由何家潭抵東流縣城七十里縣南山路九十里至
蕭家嶺交饒州府鄱陽縣界由蕭家嶺抵鄱陽縣城一百八十
里縣西大江上游水路四十五里地名下石嘴交本府湖口縣

九江府志 卷一
界由下石嘴水路抵湖口縣城四十五里縣東北大江下游水路三十五里地名箬子石交江南池州府東流縣界由箬子石抵東流縣城六十五里縣東城隅陸路六十里至太湖湖北岸地名鐵尺灣交池州府東流縣界由鐵尺灣抵東流縣城六十里縣東南隅山路七十里地名青山橋交江南池州府建德縣界由青山橋抵建德縣城九十里縣西南隅稍西陸路四十里地名棠山交本府湖口縣界由棠山抵湖口縣城四十四里縣西南隅稍南山路九十里地名武山交南康府都昌縣界由武山抵都昌縣城九十里縣前對江西北隅稍西陸路一十五里

地名史家營交江南安慶府宿松縣界由史家營抵宿松縣城一百二十五里縣城西北隅稍北水路下游六十里地名沙灣交江南安慶府望江縣界由沙灣抵望江縣城十五里自縣治至九江府陸路一百五十里水路同至江西省水陸路共計四百五十里至江寧七百二十里至京師水路四千四百二十里陸路二千七百九十里

京師水出四十里... 一千八百八十里

實正千里至五里水百二十里正

至其首南則第一百里十里本都自正其西管水到流其四

交其南安惠水其流其北則其山也則其流其北則十五里其流

其北則十五里其流其北則其山也則其流其北則十五里其流

其北則十五里其流其北則其山也則其流其北則十五里其流

形勢

潯陽陸通五嶺北道長江遠行岷漢亦一都會也晉地道志

源二分于岷峽流九派乎潯陽彭洪濤于赤岸淪餘波乎柴桑

郭璞江賦

南面廬山北背大江圖經

山亞五嶽江比四溟明一統志

左挾彭蠡右傍通川方輿勝覽

潯陽乃天下江山眉目之地白玉蟾授墨堂記

東連安慶西接蕪黃南與南康建昌鄰而北渡黃梅京師孔道

出焉郭子章郡邑表說

縈以三湖帶以九江古賦

德化

左匡廬右江湖士高氣清富有佳境白居易集

面廬山跨彭蠡襟帶上流衝要之地廣輿記

江西襟喉之地元史李補傳

山川明淨風澤清曠氣爽節和海陽記

山擁千峯江環九派形勢蜿蜒逆赴回龍磯扼江下流雖漸就

崩圯幸中江新生三洲連互數十里尙能攬其勝舊唐志

德安

接岷山之脈向博山之陽形如鳳舉勢若屏開周志

西北諸山發自崑崙層峯疊翠東北諸山脈自匡廬鴻聲鹿趾

蔡志

後控匡廬前挹博陽左貫彭蠡右環金帶劉志

廬山崔巍號爲南障彭蠡浸其左九江注其右豫章都其南潯

陽宅其北義門記

南有博陽水東南流入于鄱陽湖東北有谷簾水源出廬山下

流亦入鄱陽湖明史

秩秩河干屹屹博山控匡廬而注彭蠡龍虎鳥龜又環拱而翼

衛通判葉朝榮檄

瑞昌北門東北匯兩湖之水西南聳萬壘之峯背枕韓市面挹匡廬路險

羊腸馬脊氣鍾獅石龍泉形若宿鳳勢如磐石舊志

古赤烏邑幅幘不知幾百里其西南隅薄于柴桑之壤乃與江

州斬州二衛屯田相錯如繡明李盛春瑞昌大塘堰碑記

雉外羣峯環拱如舞如飛山明而水麗文德翼重修瑞昌學記

湖口

鐵屏橫峙于前石鐘環抱于側據江湖之險當吳楚之衝舊志

孤山峙鄒鎮古郡志

層岡疊嶂咀三面而限以天塹近則九江之門戶而險據彭澤

之上游陳志

小孤五老香爐二祖五祖諸峰如拱如揖皆屏列于左右湖水

南來而清江水西出而濁咸滙于前而後朝宗于海李齡語

前濱彭蠡後負崇岡其東曰小嶺東北曰大嶺彭綱語

江湖都會水陸通津時平則南北四達舟車萬里有事則羽檄

交馳烽烟先被昔嘉靖萬歷間兩設權關以征商稅明太祖駐

師于此扼僞漢西歸之路而友諒就殲近左寧南之亂焚掠慘
于諸州凡皆以其衝要之故也范志

雍正元年湖口縣知縣朱奇政引

見欽奉

世宗憲皇帝聖諭湖口地方要緊恭紀堂額

彭澤

長江浚州限帶封域

宋呂祖謙論

盤渦谷轉凌濤山顏

晉郭璞江賦

俯澗大江仰以崇島

李虛已記

海門第一關乾坤孤峙

楊載語

吳楚之鎮畿甸之喉延攬萬里

明世宗御製文

山形標海日林邊一望九江平樓勢出江烟窻中幾窺三楚盡

王奉禹疏

江湖襟帶吳楚門戶

形家言

地形峻峙前瞻廬阜之奧區天塹橫陳中接吳楚之聲援

翰苑新書

瀕江右之尾實為四方之孔道

李名芳紀實

據彭蠡跨海門砥柱橫江龍城四塞

舊志

去小孤山十里而近其境西南接湖口都昌東北踰馬當山交

望江江右之境盡焉而小孤又江右一門戶云郭子章郡邑表記

小孤屹立江心奇險無敵此又大江以西上游之砥柱不獨為

功于九江一郡而已薛陽縣臨

府東少北濱大江北有小孤山在江口江濱有彭浪磯與小孤

山對東北有馬當山橫枕大江有馬當鎮西南有峯山磯鎮明史

彭之為邑東接池陽復管崇岡夙稱山國而且孤懸江表巨浸

攸滙浩瀚無垠殆兼擅澤國之勝矣黃雲師齊紀

風俗

廬山自陶謝泊十八賢已還儒風綿綿相續不絕白居易集

高人閒士蟬聯不絕余靖崇勝寺記

自朱文公講學白鹿洞環匡廬山之麓士君子聞風而起者多

矣虞集瑞昌蔡氏義學記

九江號古今重鎮俗素淳美呂光發重修瑞昌學記

廬山奇秀甲天下高士逸民所棲先賢往哲所樂流風餘澤沒

世難忘同上

背倚匡廬控扼江湖為重鎮鄧元錫方域志

潯陽擁山川之靈異聿來名賢接踵如宋周茂叔卜築匡山之
濂溪與二程諸君子講學其地直迥洙泗之源而文教之所漸
摩其流風闋千百世而常存也

趙光抃重
修府學記

俗尚樸實崇興禮讓士習詩書農勤稼穡

舊志

人性堅貞尚氣槩其君子知耻而少事干謁其小人聽命而不
通請求俗固好爭而聽和則止民雖守分而抗法亦多輸納趨
時婚姻禮際服用素樸故舊相周恤詩書闖闖里社藹然山林
之民力鋤基川澤之民業網罟市廛之民居貿易三時効勤冬
舉百務婚重親迎喪厭浮屠祭知時舉教就外傳此雅俗之大

都也

舊志

元旦雞鳴起肅衣焚香拜天謁祖次及尊屬各序拜昧且擇方
隅取吉行日出方鄉鄰投刺交謁交饋以糴立春月建丑屬牛
寒將極故出其象以送寒且以升陽前期掛彩裝百歲正官率
僚屬迎春至日晨鞭春磔土牛民爭拾之以爲得春是日也以
所磔土牛置紙亭中佐鼓吹送諸鄉薦紳元宵結燈鼓樂弛禁
往來達旦花朝人多行婚禮清明先期掛楮錢是日具酒餽祭
掃墳墓民間挿柳瑞昌復迎境內神張彩設樂旣月不絕春社
祭祀畢諭以鄉約聚飲而退四月八日觀雨鳴以占水旱浮屠

浴佛人家施烏飯端午插蒲艾啖角黍飲蒲觴和以雄黃剪綵
結方勝人物相爲傳送龍舟競渡湖口是日多設劇爲士女觀
六月六日曬衣土人設會爲城隍慶生中元自朔日始焚香以
迎祖至期具酒餚楮錢追祀之月望乃止秋社與春社同中秋
人家餽月餅具紫菱香藕佐以觴相爲玩月重陽登高賞菊花
設飲惟士大夫間有之冬至官司賀長至民間不甚重湖口彭
澤祀祖曰冬祭臘月家辦薪米市索逋錢八日民間煮粥食雜
以蔬菓曰臘八粥是月也多婚葬二十四日掃舍宇祀竈薦以
餠餅謂甜神之口除夕貼春聯響爆竹增桃符剪紅紙縛炭樹

門後祭祖張樂設饌燒燭圍爐聚飲坐夜分爲守歲舊志

德化

民俗簡淨罕事浮靡雖富家子弟亦鮮綺羅經營惟在本土不
習散四方文儀言語類金陵而近實冠禮間行于士大夫家婚
姻不論財娶則親迎婦女惟事針紉少紡織舉葬娛尸數日近
士大夫依朱子家禮鄉民化之鄉市耆民四時有里社之飲舊志
士習詩書率甘淡泊越分者少自愛者多或家計素封知敦古
處或硯田自給不競錐刀知恥而少事干謁聰穎之士習爲帖
括爭自濯磨士習文風視前較盛云農勤稼穡婦女勤作工各

居肆無精奇之技取給衣食而已商鮮重資市廛日用所需買
遷有無其居奇遠涉者無有也重去其鄉亦其性如是

舊志

德安縣

山高水澄秀甲他郡土沃人阜名聞四方家崇豈弟之風門尚

敦睦之義

胡旦義門記

頤歲承平久斯民習俗修究心依學校服力事田疇

王阮詩

自唐義門陳氏以來代傳孝弟民風感化俗尚農業罕事工商

民俗樸實服飾古野

舊志

庶幾鄒魯之盛

虞集義學記

百室山中巨觀風見俗淳

大參王慎中詩

最喜民無訟鄉村共力耕

念憲陳端甫詩註云德安去建昌不遠而風俗頓殊

民尚樸實崇興禮讓士習詩書農勤稼穡

舊志

瑞昌縣

章縫之士彬彬然質有其文

葉向高文

士尚氣概民先勇力急功利尚文義

何棐舊志

婦人事紡織舉葬娛尸尚僧道修冥福

胡宗虞志

其人寒儉少蓋藏

葉向高文

舊多名雋其風流遺韻迄今尚存

江一鵬學田記

風俗

三

民俗淳樸無他營差稱易治葉向高文

民膏而淳其俗惟事樹藝徐桐築堤記

周舜弼之遺風猶有存者虞集學記

俗尚淳美呂光發記

高明雋偉之才往往不絕文德翼學記

力稼勤織重倫常崇禮讓其講讀之聲絡繹巷陌而衣冠之族

競以儒素相高惟田多磽确農為最苦工作無奇巧居室亦少

雕鏤衣履多布素即范金合土之工亦來自他郡邑舊志

湖口縣

民性淳樸士風恬靜一統志

怯而易集輸納有趨時之信馴而易治訟獄無不辨之姦衣織

食耕社飲不絕邑沈志

耕漁商工各一其業有園夫女紅之利無見異遷物之民陳志

民習耕漁之業善操舟性敦樸罕事浮靡崇孝養喜歌舞厚於

故舊有賙恤之意婦人事紡織婚葬亦同德化舊志

士重聲名好文學督學侯峒曾趙函乙皆亟稱之范志

乾隆元年知縣趙作霖請本縣入學名數照府學額取詳曰五

男三讀十戶九書舊志

彭澤縣

鍾地之氣者能文而多至性

小孤志說

灌畦鷺蔬為供魚鹽之祭織紉緯蕭以充糧粒之資

顏延之謀陶徵士序

綴平臺之逸響采南皮之高韻餘風餘烈事極江右

宋書謝靈運傳論

縉紳之禮繁山林之禮簡

王演疇家訓類編

人性堅貞習尚風雅山林之民力鉉基川澤之民業網罟

舊志

士尚風采多氣概燕會以文交際以禮耻奔競而甘恬退厭喬野而飾衣冠故急于功名聞望而喜見長務為奇行高節而羞

不義

舊志

農務耕種兼漁佃田少力勤地沃資厚木棉可抵稻黍之半山

澤可補力田之餘

舊志

山峻土沃俗尚文儀儒風相續民習工商婦人事紡織

通志

江寧李榕元刊刷

大學居

卷一

大學

